

抱拙小稿

沂人趙希楮誼父

天屋歌爲盧洪賦

霞高雲牖高竈穹八荒四野垂簾攏義驂
勃宰汗西東茫茫塵世如飛蓬玉川公子
乘清風飄然據作吟詩宮穿心出穴千萬
語叫開闔闔驚蒼龍銀河瀉入北斗柄醉
來擲下琉璃鍾仙人王喬作鄰佐憑軒共
笑噓長虹旌陽拔宅想亦在千年萬歲都

洪濛君不見何房浩綺今何許劫灰一丈
漫秋雨

次韻李崔田德真寄遠

長安日下浮雲生故人久作西南行
漚邊兩載音信絕鬢絲應與秋風爭
蒼苔冉冉荒茅屋愁來忍把萬騷讀
驚鴻剛自墮邊聲碧嶂那堪遮
遠目青雲高處期翱翔去人歲月
今堂堂吳鉤拂拭霜雪冷龍光飛
躍秋天長思君一夜離心折東樓
又送無情月

道民金氏居

碧港雖通邑紅塵不到門
桑麻唐杜曲雞犬晉桃源
山遠雲千點天寬月一軒
居人非隱者吾欲叫東園

竹閣

古寺因人重清風尚可尋
斜陽明晚閣老竹暗秋林
兜率西歸久香山北望深
登臨成感慨烟月獨知心

遊臨平乾洞水洞

兩洞深如許神龍此奠居
山空倦去久路險客來踈
風雨千崖暗雲烟四壁虛
自搢岩石蘚閒把姓名書

雪

不是春風柳因何絮客衫
一雲同萬里半夜失千岩
征馬寒蹤印飢鴟凍吻緘
江心一片白知有暮歸颿

送詩僧隆瘦岩

五載京華客山中坐得牢
禪心天竺石吟思浙江濤
入派名隨重遊方步轉高
秋風飛錫遠相憶讀離騷

送自牧黃監鎮之官四安

桃花春浪急催上雪溪船
湖海稱佳士功名負壯年
政平民易感詩好客爭傳
別後加餐飯因風寄一箋

秋夕

霄虛白露溥木葉下危闌
月淡鐘聲曉燈

青劍影寒人心山莽莽世事海漫漫何日
平胡虜西風望眼寬

中秋

白露溽空萬葉飛生香渾在桂花枝一千
里月正圓處九十月秋纔半時溘浦風流
元亮興鄜州牢落少陵詩不妨吟盡蟾蜍
影此別分明隔歲期

送李宦田東遊後還鄉

劍倚梅花宦夢醒東遊吟骨帶霜清台
山路杳神仙 楚國書來母子情半榻烟霞
應有約一節風雪且兼程丁寧及早催行
李莫待西湖草色平

江湖偉觀

華屋巋然占上方一樽同此寄相羊江潮
翻海暮天濶湖水拍堤春草長莽莽越山
凝紫翠搖搖蘓柳間青黃歸鴻影裏闌干
晚回首中州入眇茫

送樵岩趙日休歸蜀

烟塵眇眇暗魚鳧有客翩然赴上都乞得
玉宸新翰墨要還琳宇舊規模十年蠲賦
綸恩重萬里歸程劍影孤他日青城公案
了紫雲深處勘陰符

秋懷次韻

雨歇空階淨綠苔西風涼氣滿樓臺鴻飛
遠渚知初到燕別明年約早來秋色祇今
同世態時文何意悞人才停雲影裏頻搔
首閣把清吟取次裁

春雪

飛下瑤天整復斜一番餘凍損芳華荒荒
月曉三千路漠漠烟寒十萬家柳外直疑
先着紫梅邊渾似後開花東風吹作巴江
水浩蕩龍濤赴海崖

春暮

薄薄寒侵酒面和可憐春事委流波兩隄
楊柳東風老一曲池塘夜雨多花落鶯聲
還在否桑空蠶事又如何壯心不逐流年

去倚劍青天發浩歌

寄黃溪雲

十年成遠別幾度上高樓風遞江南信雲
消渭北愁春心驚海燕曉夢入溪鷗何日
西窓燭相看說舊遊

九日懷友

江蟹初肥天欲霜暮雲紅樹寫秋光西風
攜手登臨地今日黃花兩處香

釣者

河豚荻笋春風老鱸膾蓴絲秋水寒多少
侯門天樣濶筭來何似釣船寬

過臨平

市井蕭條景物非居人猶號永和隄春山
十里斜楊樹漠漠殘紅杜宇啼

吳道士釣雲

淡溪溪上一竿絲牽動閒雲片片飛折盡
柳條穿不得荷衣裹向碧山歸

次雪林李龔苔溪寄來之韻

雲散煙收眇眇秋蛩聲四壁起新愁西風
萬里乾坤眼不到斜陽十二樓
風梧聲裏萬家秋一片吟心不着愁夜半
酒醒銀燭冷月移涼夢過西樓

賦墨寫圖分得宿雁

漠漠秋汀起晚煙半歌寒影立風前月明
應有蘆花夢飛遍江湖萬里天

次蕭水崖梅花韻

冰姿瓊骨淨無瑕竹外溪邊處士家若使
牡丹開得早有誰風雪看梅花

湧月僧樓

百尺闌干古櫟林亂山如浪翠痕溪水輪
飛上光猶濕照破西來一片心

秋夕

西風梳髮冷颼颼半醉微吟獨倚樓一片
舊時南浦月清光猶印別離愁
半枕小窓幽夢蝶數聲何處寄書鴻關山
千里人歸晚腸斷烟林一笛風

春遊

夢冷繁華金谷園春深葵麥暗朱門東風
日日吹花急紅雨蒼苔泪幾痕
蝶懶鶯啼欲暮春夏兼風雨別愁新天涯
草色深如此憶得淮南有故人

湖中曲

長眉柳葉交青條玉花嬌面垂雲髻湖波
藍色春寥寥大隄新曲干雲霄翠絲絡馬
金鞍裏香風隨步烟飛飄芳亭溪谷傳金
貂一笑嫣然輕百綃驩娛未了日晷短城
鼓咿咿續復斷鳴鞭夜月入雞關碧山皎
皎水潺潺

春陰曲

東風吹雲寒九有凍龍迷海亂飛走雨脚
斜拖入遥阜碧草浮煙滿隄口春皇妙運
造化手解使江山失好醜冷色禁持萬花
柳紅紫未張春國壽愁春織心心物物爲
花訴冤天聽否晴曦赫赫重陰剖夢裏桃

源
拚
載
酒



國家圖書館, NATIONAL CENTRAL LIBRARY, TAIWAN, R.O.C.